

ZIOA

Osakidetzan, gainerako bizitzako eremuen antzera, etorri da uda sasoiko oporrak, beharrezkoa den deskantsua hartzeko momentua. Halaber, aipaturiko oporrak urtero iritxi arren, urtero inolako planifikazio eta aurreikuspenik gabe aurkitzen dira Osakidetzako langileak; ondorioz, urtetik urtera egoera larriagotzen doa. Izan ere, jada Osakidetzak pairatzen duen osasun profesional gabezia ez delako soilik uda sasoiko oporretarako, gainerako oporretakoa edota beste era batera esanda, gertakizun puntual bat. Urteetako planifikazio gabeziak eta pertsonal politika ez egokiak gaur egun Osakidetzak aurkitzen den egoera kaxkarrera eramán dute, guzti horren ondorioak herritarrek euren osasun arretan pairatzen dutelarik; nahiz eta osasun langileak ahal duten guztia egin...dituzten baldintzetan gero eta zailagoa izan da euren gain-esfortzuari esker arreta kalitatea mantentzea.

Pandemia baino askoz ere lehenago, urteak lehenago, jada aurreikusten zen Osakidetzan urte hauetan egongo ziren jubilazio kopuru altuak. Hala adierazten zuten, osasun eragile, sindikatu, aditu eta baita Osasun Sailak ere. Baina urteetan ez zen eta ez da horri aurre egiteko neurririk hartu. Halaber, Jaurlaritzak ere Europatik ohartarazpenak jasoak zituen, ezartzen ari zen kontratazio pertsonalagatik, zeinaren bidez tenporalitatea sustatu den eta horrek, Osasun Etxeetan mugikortasun handia, desatxikimendua eta baldintza kaxkarrak ondorioztatu dituen. Poliki-poliki plantillaren mehetzea ekarriz.

Ondorioz, gaur da eguna non gure herriko osasun etxeen egoera, Etenik Gabeko Arreta Guneena edota Emergentziak Erakunde Sanitario Integratuarena jasanezina dela. Eta udalok, horren aurrean ezin gara ixildu, ikusita guzti horrek gure herrietan dituen ondorioak, batez ere herritar zaurgarriengan, osasun arreta jarraipena behar dutenetan eta oro har herritar oroengan duen eraginagatik. Debagoienean ere, egoera gero eta kaxkarragoa da jasanezina ez esateagatik. Horren lekuko dira, eskualdean ditugun bi anbulategi nagusi, bai Bergakoa eta bai Arrasatekoa.

Horrezgain, eskualdeko Osasun Mentaleko anbulategia deseginda dago. Ez dago ez psikiatrarik, dagoena bajaran dagoelako eta ez dutelako ordezkatu, eta ez dago ere psikologoa. Psikologoaren plaza hutsik dago. Nahiz eta, lanpostu biak, egiturazko lanpostuak izan arren eskualdean beharko genituen lanpostuen azpitik egon, horiek ere ez daude estalita.

Ondorioz, arestian aipaturiko arrazoiengatik eta egoeragatik, Arrasateko udalak ondorengo MOZIOA onartzen du eta bere ondorioetarako Osasun Sailera igorriko du:

1.-Arrasateko udalak eskatzen dio Osasun Sailari, herritarrei kalitatezko arreta ziurtatzeko Donostiako osasun etxe eta Etenik Gabeko Arreta Guneetako ordutegi eta txanda guztietan beharrezkoak diren espezialitate eta kategoria guztietako osasun profesionalak ezar ditzala,

baita medikuak ere. Horretarako, has dadila pertsonal politika eraldatzen eta Osakidetzako mahai sektorialean adosten epe motz, ertain eta luzera begirako neurriak osasun langileen ordezkariekin.

2.-Arrasateko Udalak eskatzen dio Osakidetzari, Debagoieneko ESI-rako udako opor sasoiari begira kontingentzia plan propioa definitu eta adostu dezala bertoko osasun langileekin.

3.-Arrasateko udalak eskatzen die Osasun Sailari eta Osakidetzari, Etenik Gabeko Arreta Guneetako eta Osasun Etxeetako zein udal herriko zerbitzuetako ateetan eta iragarki tauletan osasun zerbitzuetan izango den ordutegia eta egongo diren zerbitzuak gardentasunez azaltzeaz gain, komunikabideen bidez ere, aurrez herritarrei jakinaraztea. Horrela herritarrek momentu oro jakin dezaten nora jo, izan dezaketen gaixotasun edota larritasunaren arabera.

4.-Arrasateko udalak eskatzen die Osasun Sailari eta Osakidetzari, Emergentsiak ESI atera dezatela dimentsionamendu azpitik eta behar dituen kategoria guztietako langileak ezar ditzala bai herrialde bakoitzeko koordinazio zentroetan, bai eta anbulantzietan.

**5.-Arrasateko udalak eskatzen die Osasun Sailari eta Osakidetzari, Debagoieneko Osasun Mentaleko anbulategian bete ditzala premiaz hutsik dauden psikiatria eta psikologiaren lanpostuak. Halaber, eskualdean herritarren artean dauden beharrak ikusita, psikologiako lanpostu gehiago ezarri eta bete ditzala, besteak beste maila komunitarioan ere osasun mentaleko sustapen, zaintza eta prebentzioa garatzeko.**

A handwritten signature in blue ink, consisting of a large, stylized letter 'F' with a vertical line extending downwards from its base. The signature is positioned in the lower right quadrant of the page.